



Bou ons kinders vir môre

Godsdiensonderrig 1

Lestitel: Toewyding - Daniël

'n Ouerhandleiding

Sondagskooltuisonderrig



Liewe Ouer

Welkom by die les: **“Toewyding – Daniël”**

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Toewyding – Daniël
Bybelwoord	Daniël 1, 2, 5 en 6
Lesdoelwit	Die kinders leer wat toewyding is en hoe God diegene wat toegewyd is seën.

Lesopsomming:

- Koning Nebukadnesar het Jerusalem verower en het vele gevangenes na Babel geneem. Daniel was van 'n koninklike familie en was onder hulle.
- Hy en verskeie ander jong Israeliete is gekies om opgelei te word sodat hulle bevoeg kon wees om die koning in die koninklike hof te dien.
- Gedurende hierdie tyd het die koning besluit dat die jong mans dieselfde kos en drank as hy moet inneem.
- By elke maaltyd het die Babiloniërs van die kos en drank aan die afgode wat hulle aanbid, aangebied.
- Daniël wou niks van hierdie voedsel eet nie, omdat hy net God se gebooie gehoorsaam het.
- Hy en sy drie vriende het net groente en water geneem en aan die einde gesonder as al die ander gelyk.
- Toe hul opleiding drie jaar later voltooi is, het koning Nebukadnesar vir Daniël en sy vriende gekies om in sy hof te dien omdat niemand met hulle kon vergelyk nie.
- Koning Nebukadnesar het 'n droom gehad wat hom bang gemaak het, maar hy kon nie onthou wat hy gedroom het nie.
- Hy het al die wyse manne, sterrekundiges en towenaars byeengeroep en beveel om hom die droom te vertel en dit te interpreteer.
- Hulle kon nie, en dit het die koning so woedend gemaak dat hy almal wou doodmaak, ook vir Daniël en sy vriende.
- Daniël het vir die koning 'n bietjie tyd gevra en saam met sy vriende tot God gebed om hulp.
- God het sy gebed verhoor en die droom is aan Daniël geopenbaar.
- Hy het God gedank en geprys.
- Die koning het Daniël se God erken as die God van alle gode en die Here van alle konings.



- Die Persiërs het die Babiloniërs oorgeneem en Darius, die Persiese koning, wou Daniël as heerser oor die hele koninkryk aanstel.
- Dit het die ander goewerneurs en heersers jaloers gemaak en hulle het besluit om Daniël voor die koning aan te kla.
- Hulle het geweet dat Daniël drie keer daaglik tot God gebid het.
- Hulle het die koning oorreed om opdrag te gee, dat elkeen wat gedurende die volgende 30 dae 'n versoek aan enige ander God of mens, behalwe die koning, sou rig, in die leeu kuil gewerp moet word.
- Desondanks het Daniël aan God getrou gebly en Hom ten volle vertrou. Hy het aangehou om drie maal per dag tot God te bid.
- Die koning het geen ander keuse gehad as om Daniël in die leeu kuil te laat gooi nie.
- God het 'n engel gestuur wat die leeu se kake gesluit het.
- Die wonderwerk van Daniël se redding is aan almal verkondig.
- Die koning het opdrag gegee dat almal Daniël se ewige, lewende God moet vrees.

Wat beteken hierdie les vandag vir ons?

- Ons moet getrou en opreg bly.
- Ons moet in vrede met almal leef.
- Ons moet God se gebooie gehoorsaam.
- In ons gebede moet ons God alles vertel wat ons besorg en dan op sy hulp vertrou.
- Ons moet God vertrou in alle lewenssituasies.
- Ons moet diegene vergewe wat onregverdig teenoor ons opgetree het.

Wanneer ons dit vervul, sal God ons ryklik seën. Ons moet God vertrou en gehoorsaam, in geloof tot Hom bid, en wat onmoontlik lyk sal Hy moontlik maak. Laat ons dit waag om 'n Daniël te wees.

Doen Oefening 1, 2 en 3 met u kind / kinders.

Antwoord op Oefening 3:

Daniël was toegewyd omdat hy

- God se gebooie gehoorsaam het, en
- 'n lewe gelei het wat God welgeval het



Sommige vrae wat ons kan vra:

1. Wat kan ons by Daniël leer?

Antwoord: Ons wil toegewyd aan God wees en sy gebooie gehoorsaam

2. Wat is die name van Daniël se vriende?

Antwoord: Sadrag, Mesag en Abednego

3. Waarom het die leeu Daniël nie verskeur nie?

Antwoord: God het sy engel gestuur om die leeu se bek te sluit

4. Waarom wou Daniël nie die koning se kos eet nie?

Antwoord: Hy wou aan God getrou bly.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen